



11  
1774  
7





藏書紀事詩卷四

長洲葉昌熾

好書盡職奉

綸音朱邸身籤枕玉琴河間東平無愧色豈惟博物邁甄琛

怡親王 果恭親王 成親王

陸心源宋槧婺州九經跋怡賢親王收藏王為 聖

祖仁皇帝之子其藏書之所曰樂善堂大樓九楹積書皆

滿絳雲樓未火以前其宋元精本大半為毛子晉錢遵王

所得毛錢兩家散出半歸徐健庵季滄葦徐季之書由何

義門介紹歸於怡府乾隆中 四庫館開天下藏書家皆

進呈惟怡府之書未進其中為世所罕見者甚多如施注

蘇詩全本有二此外可知矣怡府之書藏之百餘年至端



1774  
7

華以狂悖誅而其書始散落人閒聊城楊學士紹和常熟翁叔平尚書吳縣潘文勤錢唐朱修伯宗丞得之為多昌熾案怡府藏書始自怡賢親王之子名弘曉余聞之盛伯希祭酒云存齋所言攷之未詳也 怡親王明善堂詩集張純熙序親王冰玉主人至性夙深忠勤體國平居積學好古凡經史傳記以及諸子百家之編靡不探其深蹟得其高朗 又伊都立序冰玉主人殿下天姿高華澄心曠素士安之萬卷咸披應奉之五行俱下方斯蔑如也 嘯亭雜錄果恭王諱弘瞻 憲廟第七子也嗣果毅王後善詩詞幼受業於沈懋士尚書故詞歸正音不為凡響昌茂謹案嗣王允禮亦工詞翰著自得園文鈔 又成親

王諱永暉為 純廟第十一子善書法士大夫得片紙隻字重若珍寶 成親王諱晉齋集家有書積漸多矣以經史子集次其目題以長句錦軸身籤富自誇深居也說積書家空巢未肯從東野拈買猶須歎浣花檢處熒熒銀燭短收時故故玉琴斜甄琛博物伊何有政可慙人惠子車 李文藻琉璃廠書肆記寶名堂周氏購得果親王府書二千餘套列架而陳之其書裝潢精麗俱鈐圖記平津館鑒藏書籍記元板春秋纂例孫退谷藏書有果親王府圖籍朱文方印果親王點定朱文長印元版南史有果親王府圖書記朱文長印 昌熾案怡府藏書之印曰怡府世寶曰安樂堂藏書記曰明善堂覽書畫印記明善

堂集卷端有

御題明善堂印

御題銀潢派

裏圭璋器

天語盡職從知忠盡切

綸音好

書猶見性情醅怡親王寶忠孝為藩諸朱記成邸藏書余所見宋本夢溪筆談有皇十一子詒晉齋印朱記又宋刻溫公書儀有永理私印皇子永理之印朱記

絳雲未逐劫灰紅江左圖書日正中一自新宮三日哭開繙

貝葉唱宗風

錢謙益受之

曹溶絳雲樓書目題詞虞山宗伯生神廟盛時早歲科名交游滿天下盡得劉子威錢功父楊五川趙汝師四家書更不惜重貲購古本書賈奔赴捆載無虛日用是所積充物幾埒內府視葉文莊吳文定及西亭王孫或過之中年

博雅水山房鑿壁為架皮其中晚歲居紅豆山莊出所藏書重加繕治區分類聚栖絳雲樓上大櫝七十有三顧之自喜曰我晚而貧書則可云富矣甫十餘日其幼女中夜與乳媪嬉樓上剪燭炮落紙堆中遂燧宗伯樓下驚起焰已張天不及救倉皇出走俄頃樓與書俱盡余聞駭甚特過唁之謂余曰古書不存矣宗伯每一部書能言舊刻若何新板若何中間差別幾何驗之纖悉不爽蓋於書無不讀去他人徒好書東高閣者遠甚然大偏性未為深愛古人者有二端一所收必宋元板不取近人所刻及鈔本雖蘇子美葉石林三沈集等以非舊刻不入目錄中一好自矜齋傲他氏以所不及片楮不肯借出儘有單行之本燼



明柔順之義自名為蒙叟又號東澗其遵王四子字序云  
頃者吉州施偉長謁臨海先廟觀周成王饗彭祖三事鼎  
二足篆東澗二字蓋周家卜洛時欸識也余老耄不忘先  
烈遂自號東澗遺老其題介立詩又著我帽老衲徹修爲  
太學生約之翁君作墓表又題石渠舊史其藏書一印曰  
如來真子天子門生士禮居題跋陽春白雪惠香閣物惠  
香閣柳如是所居卷中有牧翁印有惜玉憐香一印

東澗方羊如海若述古猶能得什三羣從翩翩雖嗜古執圭  
僅許視諸男錢謙貞履之  
孫與祖孝修子孫保求赤孫艾仲頤族

錢謙益述古堂宋刻書跋辛丑暮春過遵王述古堂觀宋  
刻書縹青介朱裝潢精緻殆可當我絳雲之什三 又錢

令人趙氏墓志銘我曾王父體仁生五子長爲我王父順  
時仲山東副使諱順德副使仲子世顯生謙貞謙貞生孫  
保孫保娶趙文毅用賢之曾孫女太子中允士春之女也  
又列朝詩傳謙貞字履之初失祖父母徐守節自誓先  
君翼而長之故履之雖從祖弟猶吾弟也早謝舉子業闕  
懷古堂以奉母簾戶靜深書籤錯列年五十餘遭世亂坎  
壘不得志卒其孤孫保能讀父書 愛日精廬藏書志李  
羣玉唐風集皆有錢履之讀書記板心有竹深堂三字昌  
熾案竹深謙貞七世祖洪自號也錢陸燦常熟縣志洪字  
理平與兄寬字理容世家奚浦能詩好客洪愛種竹堂曰  
竹深處寬號柳溪列朝詩傳府君有竹深遺稿藏於家

天祿琳琅孔子家語有錢求赤讀書記彭城匪庵諸印祥符周季貺云求赤校讎精審日讀書夜必記於卷尾日某日讀若干頁某日起某日竟其勤如此所評明代詩文日匪庵選本 馮舒懷舊集履之次子孫艾字頤仲僅二十卒頤仲亦喜誦讀每與人通假鈔錄朱黃兩毫不去手篆刻似文彭昌熾案馮稱頤仲爲謙貞次子當爲求赤之弟懷舊集有頤仲次韻求赤家兄詩其明徵也又案求赤一名容保余所見藏書皆有錢孫保一名容保方印 海虞詩苑錢興祖字孝修號幔亭久館京師晚歷邊徼年逾五十以客死 又錢興國字孝標一名炳字峯山幔亭之弟也 鐵琴銅劍樓書目六韜錢孝修從宋本影鈔孝修遵

王從子昌熾案孝修一名純余所見明刻山谷外集注有虞山錢純孝修氏原名興祖朱記又案錢氏諸子又有錢天保字羽王見賞於宗老東澗見海虞詩苑瞿目陸宣公集求赤孝修遞相藏弄皆有名印又有錢孫臨一印鴻蒙一印孫臨當亦其昆弟行而鴻蒙其字也求赤藏書處日懷古堂卽履之築以奉母者孝修日在茲閣瞿氏所藏十六國春秋爲其家藏板心有此三字

張鑑高宴白門秋費盡黃金與翠裘麪肆酒坊論秤買蠟車障壁雜泥髹 錢裔肅嗣美 子曾遵王 孫沅楚殷

錢謙益族孫嗣美墓志銘從孫嗣美好聚書書賈多挾策潛往余心喜其同癖又頗嘆其分吾好也天啟間官史局

與中州王損仲商訂宋史損仲言王侑東都事略藏李少卿家搜篋中獲之繕寫以歸人言嗣美家有宋刻善本而未信也辛丑從其子曾見之刻書精好闕文具在則其捐館舍已十有六年矣嗟乎以余之於斯文窮年盡氣搜討不可謂不力而宋代遺文頡頏長編者近在家門而不克知余之闕漏謾聞良可以自愧然王侑之書僅存於蠟車障壁人不能舉其名氏是子也顧獨能知而藏之藏之久至身代銷沈之後而余乃始徬徨展玩想於斯人則古人所謂家有名士三十年而不知者固未可謂之晚也嗣美名裔肅萬厯乙卯以春秋舉順天卒於丙戌歲之十月年五十有八子四人長召亦舉於鄉次名次曾次魯曾

好學藏書益富 遵王述 古堂藏書自序余二十年食不重味衣不完采拊當家資悉藏典籍中如蠹之負版鼠之搬薑甲乙部居粗有條理憶年驅雀時從先生長者游得聞其緒論逮壯有志藏弄始次第訪求問津知塗幸免於冥行摘埴然生平所嗜宋槧木爲最馮定遠每戲予曰昔人佞佛子佞宋刻乎相與一笑而不能已於佞也世間聚散何常百六颯回絳雲一燼圖史之厄等於秦灰今吾家所藏不過一毛片羽焉知他年不爲有力者摺載而去抑或散於麴肆酒坊論秤而盡俱未可料總之不值達人之一哂耳 又寒食夜夢牧翁詩絳雲脈望收燼餘緗帙縹囊喜充牣盡說傳書與仲宣只記將車呼子慎自注云絳



雲一燼之後所存書籍大半皆趙元度脈望館校藏舊本  
公悉舉以相贈 吳焯敏求記跋錢遵王此書成局置篋  
中出入每自攜靈蹤微露竹垞謀之甚力終不可見後典  
試江左遵王會於白下竹垞故令客置酒高譙約遵王與  
偕私以黃金翠裘予傳書小史啟鐫預置楷書生數十於  
密室半宵寫成而仍返之 鐵琴銅劍樓書目宋葵本尙  
書十三卷吾邑錢楚殷藏本楚殷名沅遵王子也卷首鈐  
一圓印云傳家一卷帝王皆其珍重如此昌熾案牧翁遵  
王四子字序曰東夏字思祚東鎮字思烈東漢字思光東  
表字思勳無名沅者俟考遵王藏書處曰也是園曰述古  
堂或陳繼儒妮古錄繆貞得宋紹興丁巳邵諤所進述古

圖研巴以述古名堂黃晉卿爲記是述古之名不始於遵  
王也又案士禮居題跋漢天師世家華陽顧氏本有虞山  
錢曾遵王莪匪樓藏書十一小字其跋西溪叢語自題貫  
花道人蕘翁謂取龍龕手鑑序穿貫綫之花語意

萬卷書侔田氏富一拳山共米家橫雕橋退谷相輝映玉鏡

蓬壺際

聖明

孫承澤耳伯

梁清標玉立

顏氏尺牘姓氏攷孫承澤字北海號退谷山東益都人順  
天上林苑監籍明崇禎四年進士 國朝歷官吏部侍郎  
昌熾案承澤字耳伯北海亦其號也顏氏誤 曹溶萬卷  
堂藝文目跋明宗室藏書以灌甫宗正爲最孫北海少宰

令祥符就其第鈔經注二百餘冊載歸京師 畿輔通志  
承澤築退谷於西山耄而好學有明一代典故尤瞭如指  
掌博古精鑒一時圖書之富比之宋田氏云平津館鑒藏  
書籍記元板春秋纂例有北平孫氏研山齋圖書朱文方  
印 徵刻唐宋祕本書例近代藏書惟北平孫北海少宰  
真定梁棠村司農爲冠少宰精於經學司農富於子集昌  
熾案棠村梁相國清標號也相國字玉立亦號蕉林直隸  
真定人明崇禎癸未進士 國朝官至保和殿大學士精  
於鑒賞所藏法書名畫甲天下刻秋碧堂法帖竹垞有題  
王維伏生圖云庚戌觀于北平孫侍郎蟄室旣而歸於棠  
村梁相國知二公同鄉同官賞鑒亦略同也 翁方綱復

初齋詩集蕉林書屋圖喬萊爲棠村作項家蕉窗梁蕉林  
圖書之富甲古今蕉窗圖畫我未見蕉林有此清且深作  
圖者誰喬白田棠村弟子館閣賢一時文儒盛簪紱相過  
鑒賞追聯翩蒼巖印記卷對啟秋碧堂帖工初鐫風清日  
朗曝秋午蓬壺玉鏡披暄妍又云蕉林書目已不存燕南  
石墨哀何人諸老笑談皆典故畫者安得傳精神焚香展  
軸嗟李寅自注又一幅廣陵李寅爲棠村畫題云朝堂暇  
歸書屋展古畫脩閒福 又憚南田蕉林書屋圖櫺李紀  
蕉窗梁家軸又雙誰能憚格擬氣合李寅降 何紹基東  
洲草堂集真定訪梁氏蕉林書屋晤石川司馬老屋僅存  
收藏久匱尙餘蕉林書屋圖冊廿四幅耳慨而有作聖人

龍興大涵育先代儒臣悉甄錄近畿文藻數誰家梁氏雕  
橋孫退谷買書日下海王村近接孫公前後園少宰風流  
零落盡西山子姓幾人存真定梁家經世變名山別墅仍  
幽倩又云梅村昔賦雕橋莊君恩世澤紛鋪張但知蟬冕  
百年盛豈識芸籤奕葉香自注石川為蕉林元孫

江左征塵動鼓鼙百千紙甲爛如泥亦如陰火銷磨盡丹點  
煤痕滿駸駸

陳士業宏緒

先正事略陳士業名宏緒號石莊父道亨明兵部尙書士  
業性警敏家集書萬卷晝夜講肄以任子薦授晉州牧謫  
湖州經歷有石莊集恆山存彙寒衣集 石莊集續書目  
記余以壬戌作西陽山房藏書記今十五載矣壬戌以前

舟楫與馬無虛歲所至輒汲汲以訪求典籍為首務在長  
安四閱月時閣部院寺暨諸司新志告成余念實錄之所  
未及會典之所未詳者畢載此書一代之制度條教備焉  
屬友人遍覓之僅得吏部太常二志其後四載舍弟士言  
官太僕乃得太僕志又歐邏巴國利瑪竇龐迪我輩行西  
洋歷法於中土徐元扈相國參驗而考定之著崇禎歷書  
識者歎其奇博余亦求之未得雲間姜神超入都門余往  
晤之就神超索所抄文淵閣書目神超許以見畀未數日  
而余已策蹇匆匆出春明矣卒未見文淵閣書目為幾卷  
幾冊也居南畿最久盟友王唯士焦弱侯先生之壻也屬  
其假先生藏書數種唯士曰焦氏書誓不以假人言之無

益忽一日過廊下見有宋江鈿文海計一百冊書法工好  
裝潢精潔書賈索十金傾囊僅得三金客邸無可質貸翻  
閱竟日低徊不舍已恐書賈見厭坐所識他賈肆中託其  
持至更翻數過乃去中間頗得唐宋集十數種則口海陽  
錢塘之所購也數載以來祕本日益以稀因取壬戌以後  
所得彙爲目錄二卷以續前目四卷之後庶幾海宇安恬  
烽火漸息國無枹鼓之驚身無病魔之苦幅巾縕袍消磨  
歲月于此中則余生平志願畢矣 賴古堂尺牘新鈔宏  
緒與櫟園書乙酉入山輦載所藏書不下數萬卷鐵騎一  
來屯劄於敝居石河一勺一粒一絲一縷俱盡而所藏書  
悉被割剝搗扯裂作紙甲數千煤痕丹點離離駢駢之背

餘以支枕藉地數萬縑紉淪於一旦平生所輯有明文類  
鈔一書三十年訪求於南北詩文羅網幾盡今亦付之流  
水矣 黃宗羲天一閣藏書記江右陳士業頗好藏書自  
言所積不甚寂寞乙巳寄弔其家其子陳澎書來言兵火  
之後故書之存者惟熊勿軒一集而已 南雷詩歷哀陳  
晉州士業詩南都昔是論文地攜手同尋未見書銷盡故  
吾陰火力始留人物歲寒餘兩楹陽厭當春老一帖台安  
尙夏初身後祇餘熊氏集平生集古竟何如自注余四月  
寄書士業而士業卒於二月其子陳澍見答已祇告几筵  
昌熾案澍藏書記作澎必有一誤

梨莊本本盡精良觀宅何嘗非吉祥務抑輕華存微尙好噓

嘉種爲寒香

周亮工元亮

子在浚雪客

昭代名人尺牘小傳周亮工字元亮號櫟園又號減齋明  
崇禎庚辰進士 國朝戶部右侍郎革職康熙初復僉事  
歷江安督糧道好古圖史書畫有讀書錄印人傳字觸書  
影闕小記賴古堂詩文集等書 又周在浚字雪客亮工  
長子官經歷有雲煙過眼錄晉稗黎莊集秋水軒集 賴  
古堂詩集自序衰庵瞽公自稱曰笠僧人率稱曰櫟下生  
本豫章人籍大梁然公實生梁秣陵公生於壬子四月七  
日眉長垂頰人又呼之爲長眉公所著同書四卷鹽書四  
卷相編四卷字觸一卷詩人傳三卷賴古堂文選十卷皆  
次第行世 鷗波漁話因樹屋書影述其先人作觀宅四

十二祥相其第二條架上無整齊書注云木本精良一一  
完善手且未觸目於何有但觀架中便知腹中此爲藏書  
而不讀者痛下鍼砭然余謂真能讀書者必能珍護若但  
如櫟園所云適足啟子弟輕褻簡編之惡習豈雅人深致  
哉 徵刻唐宋祕本書例大梁周子黎莊櫟園司農長公  
司農世以書爲業嘉隆以來雕板行世周氏實始其事游  
宦所至訪求不遺餘力聞謝在杭先生萬歷中抄書祕閣  
後盡歸司農而遭患難數世所積化爲烏有獨此繕寫祕  
本二百餘種黎莊極力珍護巋然獨存 又朱彝尊啟黃  
子俞邵周子雪客藏書累葉手澤猶新玉笈縹緗不減李  
鄴侯之架御書炳煥何殊孫長孺之樓 又張芳論略黃

周兩君祕集惟唐沈下賢宋柳仲塗金趙閒閒先列數種  
其餘經史逸冊有裨名教者冀公之當世略存微尚稍抑  
輕華 又云吾黨平時睠念前人之著述而不可必得一  
聞楚音於空谷遂噓嘉種爲寒香

一紙書傳鉏茶翁山潛家祕與人同古人慧命從今續盡向  
金陀拜下風 曹溶潔躬

鶴徵前錄曹溶字潔躬又字秋岳號倦圃浙江秀水人崇  
禎丁丑進士仕至御史入 國朝歷戶部侍郎出爲廣東  
布政使左遷山西陽和道著靜惕堂集 樞李詩繫溶晚  
年自號鉏茶翁築室范蠡湖顏曰倦圃 朱彝尊倦圃圖  
記倦圃在范蠡湖之濱宋岳珂倦翁嘗留此著書所謂金

陀坊是已地故有廢園戶部侍郎曹先生潔躬治之以爲  
別業聚文史其中暇則與賓客浮觴樂飲以倦圃名者益  
取倦翁之字以自寄也 池北偶談曹侍郎秋岳好收宋  
元人文集嘗見其靜惕堂書目所載宋集自柳開河東集  
已下凡一百八十家元集自耶律楚材湛然集已下凡一  
百十有五家可謂富矣 靜惕堂集流通古書約自宋以  
來書目十有餘種其書十不存四五非盡久遠散佚也不  
善藏者護惜所有以獨得爲可矜以公諸世爲失策也藏  
書家當念古人竭一生心力辛苦成書渺渺千百歲崎嶇  
兵攘劫奪之餘僅而獲免可稱至幸又幸而遇賞音者知  
蓄之珍之謂當繡梓通行否亦廣諸好事何計不出此使

單行之本寄篋箚爲命稍不致慎形蹤永絕自非與古人  
深仇重怨不應若爾然其間有不當專罪吝惜者時賢解  
借書不解還書改一瓿爲一癡見之往記卽不乏忠信不  
欺之流書旣出門舟車道路遙遙莫定或僮僕狼籍或水  
火告災時出意料之外不借未可盡非今酌一簡便法彼  
此藏書家各就觀目錄標出所缺者先經次史次文集次  
雜說所著門類同時代先後同卷帙多寡同約定有無相  
易則主人自命門下之役精工繕寫校對無誤一兩月間  
各齋所鈔互換此法有數善好書不出戶庭也有功於古  
人也已所藏日以富也楚南燕北皆可行也敬告同志鑒  
而聽許或曰此貧者事也有力者不然但節譙游玩好諸

以成就古人與之續命出未經刊本壽之棗梨始小  
本巨編漸次恢擴四方必有聞風接響以表章散佚爲  
身任者山潛冢祕羨衍人間予矯首跋足俟之矣 其藏  
印曰兩河使者曰白學先生曰鉏菜翁又有樵李圓印秀  
州葫蘆印並見式古堂書畫攷

不沾學究頭巾氣不墮支那文字禪辛苦奚囊遍南北饒魚  
更上海東船 黃宗羲太冲

全祖望梨洲先生神道碑公諱宗羲字太冲海內稱爲梨  
洲先生浙江紹興府餘姚縣黃竹浦人也忠端公尊素長  
子公憤科舉之學思所以變之旣盡發家藏書讀之不足  
則鈔之同里世學樓鈕氏澹生堂祁氏南中則千頃齋黃

氏吳中則絳雲樓錢氏窮年搜討游屐所至遍歷通衢委巷搜鬻故書薄暮一童肩負而返乘夜丹鉛次日復出率以爲常 又云公晚年益好聚書所鈔自鄞之天一閣范氏歛之叢桂堂鄭氏禾中倦圃曹氏最後則吳之傳是樓徐氏然嘗語學者曰當以書明心無玩物喪志也 又增記云公有日本乞師記但載馮侍郎京第乞師始末而已無豫乃避地賦則有曰歷長埼與薩斯瑪兮方粉飾夫承平招商人以書舶兮七豎緣於東京是公嘗借馮東行而後諱之 南雷詩歷有移居詩云不爲安牀席先遺百本書推尋如逋寇斷爛恨饑魚 又偶書第五首云書院講早村學究支那語錄莽男兒驀然跳出兩般外始有堂堂

正正旗 暴書雜記黃百家學箕初稿有續鈔堂書目序言梨洲保護藏書於兵火之中道雖窮而書則富昌熾案百家梨洲子也

上堂學參臨濟禪登山喜拍洪崖肩仙耶佛耶抑儒耳抱書獨上南山顛 錢陸燦爾跋

海虞詩苑圓沙先生錢陸燦字爾敬號湘靈中順治丁酉鄉試第二晚節居南山北麓老屋三間叢書兩板臨街誦讀聲出金石年近九十兩眸青碧似仙生平篤信宗門臨終洒然又似老爛頭陀云 東湖叢記湘靈先生晚歲逃禪其手校之書每押以明經別駕書經解元臨濟三十四彭祖九十七世一印又曰陸終彭祖後人余藏有先生手



批元遺山集有跋題圓沙老書生記書法縱橫蓋老年筆也 鐵琴銅劍樓書目南華真經邑人錢圓沙手閱本末有乙卯年七月二十日東圃書堂閱完一行卷首有訓運齋湘靈好夢諸朱記 持靜齋書目韓子明孫鑛節抄本錢湘靈手批朱藍炫然卷首有儒師馬文肅佛嗣熊檠庵圓沙彭祖同庚壬子癸丑草創大還堂陸燦湘靈諸印

楓山金澤兩官庫金剛佛子文識房半是中華流落出海天如鏡估帆張 蔣琦絢臣 蔣玠絢臣

經籍訪古志通志二百卷明萬曆十七年刊本楓山官庫藏有蔣琦之印絢臣父二印序目有閩中蔣氏三經藏書蔣絢臣曾經祕藏二印 又文選袁褰刻本卷首有是書

曾藏蔣絢臣家印注六源弘賢所藏唐人小說亦有蔣絢臣藏書印 而宋樓藏書志鶴田蔣先生文集有蔣氏手跋曰此集爲楊文敏公家藏徐興公先輩得之於建甯書肆絢臣玠識昌熾案滂喜齋藏存復齋集有順治丙申蔣玠手跋又有蔣玠及絢臣珍藏圖書二印琦字絢臣玠字絢臣陸氏又合爲一俟攷

此是南雷都講地滿村黃葉語溪灣他鄉寒故終須別三載臯比返葢山 吳之振孟舉

嘉興府志石門吳之振字孟舉以貢授中書有黃葉村莊詩文集 黃宗羲天一閣藏書記甲辰館語溪橋李高氏以書求售二千餘大略皆鈔本也余勸吳孟舉收之余在

語溪三年間之殆徧此書固他鄉寒故也 暴書雜記黃  
葉村莊石門吳孟舉藏書處全謝山謂祁氏曠園之書精  
華歸於南雷奇零歸於石門卽指孟舉也昌熾案石門指  
呂莊生畱良非孟舉也南雷講學石門時與莊生合得祁  
氏書見全謝山小山堂祁氏遺書記 池北偶談石門吳  
孟舉刻宋詩抄百數十家多秘本蓋與其縣人呂莊生兩  
家所藏本而賴濱南豐尙不及載則未刻尙多也吳爲予  
言唐樊宗師宋二劉公是公非集其家皆有之 天祿琳  
琅明刻唐人萬首絕句吳孟舉藏書有延陵季子朱記  
可憐坊社但狺狺心學姚江競反脣覷破東書堂內案不禁  
齒冷到光輪 呂雷良莊生 子葆中九黨

全祖望小山堂祁氏遺書記吾聞澹生堂書之初出也其  
啟爭端多矣初南雷黃公講學於石門其時用晦父子俱  
北面執經已而以三千金求購淡生堂書南雷亦以束脩  
之人參焉交易旣畢用晦之使者中途竊南雷所取衛湜  
禮記集說王偁東都事略以去則用晦所授意也南雷大  
怒絕其通門之籍用晦亦遂反而操戈而妄自託於建安  
之徒力攻新建并削去戴山學案私淑爲南雷也近者石  
門之學固已一敗塗地然坊社學究尙有推奉之者弟子  
之稱狺狺於時文披尾之間豈知其濫觴之始特因淡生  
堂數種而起是可爲一笑者也然用晦所藉以購書之金  
又不出自己而出之同里吳君孟舉及購至取其精者以

其餘歸之孟舉於是孟舉亦與之絕交是用晦一舉而既廢師弟之經又傷朋友之好適成其爲市道之薄亦何有於講學也昌熾案用晦姓呂氏原名光輪改名畱良字莊生用晦其號又號晚邨子葆中字无黨義門弟子姓氏錄有晚邨孫呂懿歷字敬授呂莊生得山陰祁氏澹生堂藏書三千餘本示大火阿翁銘識墨猶新大擔論勦換直銀說與癡兒休笑倒難尋幾世好書人宣綾包角藏經箋不抵當時裝訂錢豈是父書渠不惜只尋參透達摩禪原注祁氏參臨濟宗 拜經樓藏書題跋記穆和齊集有呂氏藏書恥齋二圖記 又魯齊遺書有不遠復堂難得幾世好書人無黨恥齋諸圖記 又讀書敏求記谷林先生跋

云雍正甲辰蟬花居士取禦兒呂氏明農草堂善本手校持靜齋書目鴻慶居士集舊抄本有禦兒呂氏講習堂印 士禮居題跋小畜集吾研齋補鈔畱字皆缺最後一畫呂无黨手鈔也又柝欄集賜書樓蔣氏藏呂无黨抄本謹慎之至於漫滅處皆以細筆畫識之以存其眞昌熾案余見抄本洪文惠集畱字亦缺末筆有蔣子宣跋知吾研藏書散後皆歸蔣氏蔣吾郡藏書故家所謂賜書樓也

參閱名登野史亭謗書酷甚腐遷刑空王難贖多生劫碧血湖隄走鬼燐 張雋文通

陸心源明抄春秋纂言跋每册有張雋之印案雋字非仲吳江人一名僧願又字文通樓居積書甚富手錄者千餘

卷擁列左右南潯莊廷鑑聘修明史為作有明理學諸儒傳其稿別行名與斯集史案未發自知其非逃于僧舍年已七十後與潘檉章吳炎諸人同伏法於杭州著有西廬詩草四卷見南潯鎮志 楊鳳苞記莊廷鑑史案本末文鑑以朱文肅公史概摹本續纂天啟崇禎兩朝名曰明書輯略吳江張雋名在參閣中凌遲死 平津館鑒藏書籍記唐鑑二十四卷有張雋一字文通印 鐵琴銅劍樓書目朱慶餘詩集一卷卷首有張雋之印字文通諸朱記

吳越野民清曠域縹帶芸籤憶趙侯從此人家添小印不當帖尾便書頭 馮文昌研祥 江立玉屏 韓泰華小亭

仇郡詩輯馮文昌字研祥嘉興諸生有吳越野民集注云

研祥為司成開之孫以次子襄仲贅於棲里沈氏逐徙家依之 江藩金石錄跋研祥收藏甚富得右軍快雪時晴真蹟因築快雪堂於西湖之孤山自嘉禾移居武林遂為杭人焉 讀書敏求記金石錄吾友馮研祥有不全宋槧本刻一圖記曰金石錄十卷人家長箋短札帖尾書頭每每用之亦菽林中一美談也 淮海英靈集江立字玉屏號雲溪舊居杭州移籍儀徵有宋板金石錄因題其齋曰金石錄十卷人家著小齊雲山館詩鈔 張燕昌刻印跋馮研祥金石錄今為玉屏先生所有珍重示余余為用飛白書刻印以贈菽林中又增一段佳話矣 昌熾案是書後歸趙晉齋魏復相繼為阮文達韓小亭所得今藏座主

潘文勤師滂喜齋韓名泰華浙江仁和人官潼關道晚年  
僑居金陵築玉雨堂藏書甚富有元人集百餘家皆傳鈔  
精本或四庫所無而元刊僅存者嘗欲集元文選以十  
家作一集道光庚戌首集既成卽燬於兵其所著無事爲  
福齋隨筆云金石錄明以來多傳鈔惟雅雨堂刻之阮文  
達有宋槧本十卷卽敏求記所載者文達自撫浙至入閩  
恆攜以自隨一日書賈來售驚喜欲狂余得之亦刻金石  
錄十卷人家小印又攷翁蘇齋詩阮公積古邁歐趙蘇齋  
快與論墨緣恰逢葉子仿篆記宛如舊石馮家鑄又云葉  
子篆樣又摹副其一畀我蘇齋筵則翁阮二家亦有此印  
也曩年假館滂喜齋文勤師嘗出以相示有馮文昌印字

研祥馮氏三餘堂收藏馮子玄家藏印平安館印五朱記  
其餘各家題詞圖記充然滿幅洵驚人祕笈也 又案天  
祿琳琅續編分類補注李太白詩元萬玉堂刊馮氏藏本  
有馮氏圖書馮印文昌文字之祥文字之祥君家其昌馮  
氏三餘堂收藏快雪堂圖書印茅齋玩賞清曠之域茅屋  
紙窗筆精墨妙諸印

金庭玉柱太湖東述古精嚴未許同石癖書淫成底事驅雞  
牧豕作冬烘 葉樹廉石君

徐乾學葉石君傳葉石君者隱君子也性嗜書世居洞庭  
山中常游虞山樂其山水因家焉所至必聚書常換衣食  
之需以購書多至數千卷會鼎革兵燹盡亡其貲財獨身

走還洞庭其鄉人相與勞苦石君齷齪曰貲財無足言獨  
借我書耳鄉人皆笑之復居虞山益購書倍多於前石君  
所好書與世異每遇宋元抄本雖零缺單卷必重購之世  
所常行者勿貴也其所得書條別部居精辨真贗手識其  
所由來識者皆以爲當有三子時誠之曰若等無務進取  
但能守我書讀之足矣年六十七卒於家石君既歿而鄉  
人益思之以爲王君公仲長子光流亞也其友黃儀子鴻  
常爲子言因爲之傳石君名樹蓮常爲邑諸生已而棄去  
石君其字也 藏書記要余見葉石君抄本校對精嚴錢  
遵王書籍裝飾雖華不及也又云石君所藏書皆手筆校  
正博古好學稱爲第一葉氏之書至今爲寶好古同嗜者

賞識焉 七十二峯足徵集何義門侍講亦最喜石君所  
閱書謂攷訂精審評隲古今源流瞭然別見手眼一時好  
事者因義門之言爭購其書於是樸學齋所藏不脛而走  
石君獨居詠懷詩茅齋卻無機驅雞與牧豕 又和秋  
日言懷詩魯論半編囊底在村中只指是蒙師 昌熾案  
石君金石文隨錄手彙六冊何夢華藏見竹汀日記臨川  
李氏所藏宋拓羅池廟碑卽其家本有石君題字石君一  
名萬樹廉之廉亦作蓮其藏書跋多題南陽轂道人或題  
南陽道轂其印曰樸學齋曰歸來草堂曰金庭玉柱人家  
童子敲門送赫蹏篝燈未罷已鳴雞巫陽忽下申生駕自古  
厲階煽豔妻 葉夾林宗 子裕祖仁

讀書敏求記吾友葉林宗篤好奇書搜訪不遺餘力每見案頭一帙必假歸躬自繕寫篝燈命筆夜分不休我兩人獲得祕冊卽互相傳錄雖昏夜扣門兩家童子聞聲知之好事極矣林宗歿余哭之慟爲文以祭之曰昔我與君定交杵臼奇文同賞疑義相剖又曰墊巾步履頻煩往來尺蹠問字一日幾回君亡來三十餘年徧訪海內收藏家罕有如君之眞知眞好者每歎讀書種子幾乎滅絕矣 七十二峯足徵集葉奕字林宗好學多藏書名與石君上下子祖德祖仁皆少有才名林宗後娶妻二子俱失愛以憂死士論少之 又葉修字祖德林宗長子與弟祖仁迭爲酬唱名其集曰華萼集 又葉裕字祖仁林宗次子右手

駢指自稱枝指生游錢收齋陳確庵之門以後母故失愛於父鬱鬱以死年止二十五虞山陸豈凡好道志怪之士也庚子歲四月九日去祖仁之亡將期年矣豈凡於紫雪壇扶乩忽飛筆書遠山微抹送橫波細骨輕軀豔綺羅云云題鬼仙葉祖仁作林宗寶藏其筆以爲眞申生伯奇千古同聲一哭 愛日精廬藏書志孫覲大全集葉石君跋此書爲從兄林宗借去幾十年矣乙巳之春林宗卒爲之整書始得檢歸 陌宋樓藏書志沈下賢集葉石君跋崇禎戊寅得沈亞之集爲林宗乾沒近來林宗物故書籍星散宋元刻本盡廢於狂童敗婦之手予生平不欺其心自信書籍必不若林宗死後之慘 昌熾案沈下賢集今在

常熟瞿氏林宗自跋題崇禎四年冬十一月記於虞山之  
岵室又士禮居藏書題跋記元本金石例有跋題順治乙  
未夏五月雨窗支指生葉裕

葛屨休歌女手摻鼃羹嘗鼎不禁饑囊金半入名山藏一片

孤雲萬里帆

張拱端孟恭

錢謙益張孟恭江南草序孟恭晉產居吳游必就士橫經  
藉史好學深思 愛日精廬藏書志汗簡七卷陳氏鴻跋  
曰崇禎辛巳余讀書於吳門維斗師之古柏軒秋日同張  
孟恭至城隍祠右古書籍舖中見此汗簡狂喜欲舞急解  
金購歸後馮已蒼假來抄得余於庚寅從已蒼借抄 又  
會昌一品集有題字曰崇禎庚辰冬十月名山藏收藏又

葉石君手識曰戊子年夏假得太原張孟恭所藏 昌熾

案蘇州府志藝文類 國初有張拱端孤雲集詩一萬首

山西人寓吳中必其人也又案漁洋感舊集有趙瑾懿侯  
歲暮至臨安畱別張孟恭葉祖仁詩瑾爲山西太原人而  
集中又有虎邱月夜蘇州清明二詩則是與孟恭同里而  
同爲寄公於吳祖仁爲林宗之子與馮已蒼葉石君皆富  
收藏孟恭並與之友則其風尙可知矣

潦草醫方廢歷堆不教空手寶山回一尊敬爲西崑壽崩角

完時倒舊醅

朱之赤卧奄

楹書隅錄影宋精鈔西崑酬唱集二卷毛斧季跋云甲辰  
之月同葉君林宗入郡訪朱卧庵之赤其榻上亂書一堆



大都廢厯及潦草醫方殘帙中有繕整一冊抽視之乃西  
崑酬唱集爲之一驚卷末行書一行云萬厯乙丑九月十  
七日書畢下有功甫印乃錢功甫手鈔也因與借歸次日  
林宗入城喧傳得此最先匍匐而來者定遠先生也倉忙  
索觀陳書於案叩頭無數而後開卷朗吟竟日索酒痛飲  
而罷昌熾案天祿琳瑯道命錄及明板水經山海經合刻  
皆有朱卧庵收藏記而宋樓藏書志愧郊錄亦有朱卧庵  
朱之赤印記越中周季貺云卧庵著名於治熙時彭躬庵  
爲撰母夫人墓誌稱其學問淵雅通天文術數亦一奇士  
也 天錄琳瑯續編自警編有朱印之赤卧庵朱卧庵收  
藏印狂奴正氣堂三天謫吏煙雲逸叟各朱記

花雨生公舊講臺一牛鳴地草堂開雲陽文字歸殘劫斷瓦  
牆陰長綠苔 顧苓云美

錢謙益顧象垣墓誌銘長洲顧君諱維鼎字象垣以己亥  
歲四月十七日卒長子苓 元和縣志顧苓字云美潛心  
篆隸凡金石碑版及鼎彝款識蟲魚科斗之書皆能誦之  
居虎叩山塘蕭然做廬中懸思宗御書時肅衣冠再拜歛  
獻太息 蘇州府志塔影園在虎叩便山橋南數武文肇  
祉所築後顧苓云美居之更名雲陽草堂又有室曰松風  
寢 錢謙益雲陽草堂記顧子云美卜居於雲巖之陽讀  
書尙志撫今懷古讀後漢書宣秉傳論其世而知其人穆  
然太息顏其三間之屋曰雲陽草堂 又云云美之居去

雲巖一牛鳴地入寺門平石穹然晉生公說法處也 士  
禮居藏書題跋記林和靖詩集余向於郡故藏書家得一  
抄本云是顧云美手抄珍藏之 鐵琴銅劍樓書目錄續  
顧云美氏手抄有塔影園客朱記 又石刻鋪敘義門得  
諸塔影園顧氏

君如坡老愛陶潛何似老蘇愛織簾爲訪河東三篋去渡江  
昨夜宿蒼兼 顧湄伊人

國朝詩人徵略顧湄字伊人江南太倉人有水鄉集 江  
蘇詩徵湄本惠安令程新子新與顧夢麟善夢麟無嗣幼  
鞠湄遂姓顧氏注伊人爲織簾先生之子又傑出於礪庵  
之門昌熾案織簾顧先生麟士也確庵陳先生瑚也 錢

謙益陶廬記顧子伊人得宋刻蘇長公所書陶淵明集藏  
弃齋中晨夕吟諷名其處曰陶廬 讀書敏求記陶淵明  
集十卷婁江顧伊人藏弃宋槧本顏其讀書處曰陶廬而  
請牧翁爲之記伊人交余最厚真所謂兄弟也但各姓耳  
見余苦愛陶集遂舉以相贈丙午丁未之交余售書季滄  
葦是集亦隨之而去滄葦沒書籍散入雲煙過眼錄矣伊  
人前年渡江念陶集流落不偶訪求得之持歸示余河東  
三篋亡來已久一旦頓還舊觀展卷相向喜可知也予昇  
之牧翁陶廬記手稟俾揭之簡端以見我兩人鄭重其書  
互以藏之外府爲快視世之借書爲一癡者其度量相越  
豈不遠哉 工禮居題跋記宋刻唐求詩有陶廬顧湄之

印

展卷風翻亂葉旋驚人古笈彩鸞箋滄洲一卧何時起善本  
搜羅述古錢季振宜說兮

天祿琳琅毛詩二十卷季振宜藏書有宋本櫛園印振宜  
字詵兮號滄葦揚州泰興人順治丁亥進士授蘭溪令歷  
刑戶兩曹擢御史 讀書敏求記吳彩鸞書切韻余從延  
令季氏曾觀真蹟逐葉翻看展轉至末仍合為一卷張  
邦基墨莊漫錄云旋風葉者即此真曠代之奇寶因悟舌  
人玉躡金題之義唐六典所以有熟紙裝潢匠之別也自  
北宋刊本行世而裝潢之技絕矣余幸遇此韻得觀唐時  
卷帙舊觀季氏零替不知歸之何人惜哉 黃丕烈季滄

葦書目序滄葦書目載宋元板刻以至抄本幾於無所漏  
略余閱述古堂藏書目序有云舉家藏宋刻之重複者折  
閱售之泰興季氏是季氏書半出錢氏而古書面目較諸  
錢氏所記更詳今滄葦之書已散失每從他處得之證諸  
此目若合符節方信藏書不可無目且不可不載何代之  
刻何時之抄俾後人有所徵信也 昌熾案天祿琳琅又  
載宋板文選明板長慶集皆有滄葦吾道在滄洲朱記又  
追昔游詩季滄葦藏有柱下史方印又明刻元豐類稿有  
得知千載外正賴古人書十字長印與季振宜藏書印均  
在序首疑亦季氏所鈐也

七品官兒竟奪儂為攜小史當書傭丹房枕膝書親授始信

人間有蔡邕

朱彝尊錫鬯

孫稻孫稼翁

李延是辰山

鶴徵前錄朱彝尊字錫鬯號竹垞晚號小長蘆釣魚師又號金風亭長浙江秀水人明太傅國祚曾孫著有經義攷日下舊聞暴書亭集注云先生又有瀛州道古錄五代史注禾錄諸書俱屬彙未成 暴書亭集鵲華山人詩序予中年好抄書通籍以後集史館所儲京師學士大夫所藏弃必借錄之有小史能識四體書日課其傳寫坐是爲院長所彈去官而私心不悔也 又書檀銘子入史館以楷書手王綸自隨錄四方經進書綸善小詞宜與陳其年見而擊節尋供事翰苑忌者潛請學士牛鈕形之白簡遂罷子官歸田之後家無恆產聚書三十櫝老矣不能徧讀也

銘曰奪儂七品官寫我萬卷書或默或語孰智孰愚 松江府志李延是字辰山上海人初名彥貞字我生大理評事中立子也師事同郡徐孚遠爲高第弟子後隱於醫居平湖祐聖觀中爲道士其卒也以書二千五百卷贈秀水朱彝尊 褚華滬城備考李延是字辰山號寒村原名彥貞進士尙袞孫大理評事中立子唐王某官事敗後遁跡平湖佑聖宮爲道士以醫自給聚書至三十櫝康熙辛丑卒 查慎行敬業堂集聞李辰山藏書多歸竹垞歎息詩人失李頎柘湖回首舊游非自憐老友今無幾且喜藏書得所歸萬卷又增三篋富千金直化兩蚨飛平生謬託知交在悔不從渠借一紙胡濼三君詠李高士延是一首不

見李高士琳宮鎖暮霞芸香消蠹簡爐火冷丹砂 鶴徵  
後錄朱稻孫字稼翁一字芋陂晚號娛村著有六峯閣集  
昌熾案竹垞子昆田早卒遺二孫一桐孫一稻孫阮文達  
修曝書亭詩所爲笛漁早死雙孫老誰暴遺書向此亭也  
蒲褐山房詩話稼翁晚年貧不能支暴書亭藏書八萬卷  
漸致散佚藏書印曰潛采堂曰南書房舊講官張叔未桂  
馨堂集詠梅會里朱氏潛采堂藏書象牙印朱文二行五  
字曰梅會里朱氏潛采堂藏書詩云管領奇書八萬卷人  
間此印亦千秋籤開玉版先經眼榜賜金題在上頭七品  
眞推良太史百城肯拜小諸侯南垞亭子敘重建同是  
熙朝第一流自注竹垞又有一印曰七品官耳又案儀顧

堂紫巖易傳跋每册有秀水朱彝尊錫鬯氏朱文方印我  
生之年歲在屠維大荒落月在橘壯十四日癸酉時朱文  
方印案屠維爲己大荒落爲己竹垞生於崇禎二年己巳  
則此亦竹垞印也又暴書亭集還鄉口號云醜舫西偏盡  
竹梧紫微山石儘教鋪自注醜舫余齋名又有醜舫箴見  
集中按爾宋樓藏書志東萊毛詩句解竹垞跋署新懷齋  
一洗空華變聞茸瑤臺牛篋出塵封一門並擅名山藏白鹿  
爭高指玉峯徐乾學健庵弟秉義果亭元文方齋子  
剡章仲  
同治蘇州府志徐乾學字原一號健庵應聘曾孫康熙庚  
戌進士第二人及第官刑部尙書傳是樓藏書甲天下  
徐秉義字彥和號果亭康熙十二年以進士第三人登第

內閣學士兼禮部侍郎秉義通籍後以兄弟並在華省深  
懷謙退杜門却掃購求古書或借稿本抄錄 徐元文字  
公肅號立齋順治己亥一甲第一名及第文華殿大學士  
兩江總督傅臘塔劾元文兄弟家人不法事元文奏辨遂  
力求罷以原官致仕舟過臨清權關者欲構其罪登舟大  
索惟圖史數千卷光祿饌金三百兩而已 愴園集寄曹  
秋岳先生詩嗟予纒縮髮屈首事誦習博瞻服茂先奔陋  
媿難及發憤購遺書蒐羅探秘笈從人借抄寫瓶甌日不  
給 黃宗義傳是樓藏書記喪亂之後藏書之家多不能  
守異日之塵封未觸數百年之沉於瑤臺牛篋者一時俱  
出於是南北大家之藏書盡歸先生先生之門生故吏徧

於天下隨其所至莫不網羅靡遺披緝帙而先生爲之  
海若 又曰自傳注之學變爲時文空華臭腐人才闕茸  
至于細民亦皆轉相模倣以取衣食遂使此物汗牛充棟  
而先王之大經大法蕩爲荒煙野草由大人之不悅學以  
致之也數窮必復先生主持文運當必有以處此人將指  
此樓也與白鹿爭高矣 汪琬傳是樓記徐健庵尙書築  
樓於所居之後凡七楹斲木爲厨貯書若干萬卷部屋類  
彙各以其次素標緗帙啓鑰爛然與其子登斯樓而詔之  
曰吾何以傳女曹哉因指書而欣然笑曰所傳者惟是矣  
遂名其樓爲傳是 昌熾案傳是樓宋元本書目吳次瀚  
同年丙湘刻之廣陵秉義有培林堂書目元文有含經堂

書目 紅豆樹館書畫記載司寇行書五言長律墨迹引  
首用冠山堂印 天祿琳琅續編禮記余仁仲刊藏徐乾  
學家有徐炯收藏秘笈徐炯收藏書畫徐章仲所讀書徐  
仲子別號自彊諸朱記炯字章仲乾學之子官直隸巡道  
骨董僧寮列肆厯碎銅玉器共瑋琰不堪重到慈仁寺寂寞  
雙松護碧幢 王文簡士禎

昭代名人尺牘小傳王士禎字貽上號阮亭自號漁洋山  
人新城人順治乙未進士官至刑部尚書乾隆間補諡文  
簡 朱彝尊池北書庫記池北書庫者今少詹事新城王  
先生聚書之室也新城王氏門望甲齊東先世遺書不少  
然兵火散佚者半先生自始仕迄今日耕肘書借觀輒錄

其副每以月之朔望臨慈仁寺日中集奉錢所入悉以購  
書蓋三十年而書庫尙未充也 古夫于亭雜錄昔在京  
師士人有數謁予而不獲一見者以告崑山徐尙書健庵  
徐曰此易耳但值每月三五於慈仁寺市書攤候之必相  
見矣如其言果然廟市賃僧廊地鬻故書小肆皆曰攤也  
又書賈欲昂其直必曰此書經新城王先生鑒賞者鬻銅  
玉器則曰此經商邱宋先生鑒賞者士大夫言之輒爲絕  
倒 藤陰雜記孔東塘尙任燕臺雜興云彈鋏歸來抱膝  
吟侯門今似海門深御車埽涇皆多事只向慈仁寺裏尋  
注云漁洋龍門高峻人不易見每於慈仁廟市購書乃得  
一瞻顏色 居易錄余官都下二十餘載奉錢之入盡以

購書嘗冬日過慈仁寺見尚書大傳朱子三禮經傳通解  
荀悅袁宏漢紀欲購之異日侵晨往索已爲他人所有歸  
乃怡悵不可釋病卧旬日始起古稱書淫書癖未知視子  
何如自知玩物喪志故是一病不能改也亦欲使吾子孫  
知之

天賜葡萄出

禁厨不將蕙苾當明珠蘇詩精似吳興刻斷鶴何須浪續鳧  
宋犖收仲 子筠蘭揮

先正事略宋犖字牧仲號漫堂河南商邱人大學士文康  
公權子也以大臣子列宿衛官至江蘇巡撫戶部尚書子  
至字山言癸未進士授編修浙江提學道著有緯蕭堂詩

集筠宮檢討昌熾案筠號蘭揮 朱彝尊西陂記宋公懷

童時釣游之所思築圃曰西陂先定池館之目曰淥波村  
曰釣家曰緯蕭草堂曰和松庵曰菱梁曰放鳴亭命禹鴻  
臚之鼎作西陂魚麥圖取元結詩句冀歸老于江湖也

天子書魚麥堂以賜公嘗引年

天子給禁苑

葡萄一本曰是果結實然後請老 又巡撫宋公以新雕  
蘇詩施注見貽賦謝詩中丞訪得嘉泰本上客爲補由儀  
詞梅谿舊箋付醬瓿傳穉遺楷傳漕司昌熾案癸辛雜識  
施宿字武子湖州長興人父元之乾道間爲左司諫宿晚  
爲淮東倉漕時有故舊在言路因書遺以番葡萄有憾其  
不已致者劾之無以蔽罪宿嘗以其父所注坡詩刻之倉



司有所識傳穉字漢孺湖州人窮乏相投善歐書遂俾書之錢板以贖其歸因據此事坐以贓私漫堂所得卽此本也惜僅有十二卷當付雕時邵長蘅爲補其缺謬誤甚多翁蘇齋詩所謂奇哉漫堂寶殘泐惜也邵補功微愆是也綿津詩集卷中三詠松雪齋集一首云雅願終身作蠹魚吳興集刻至元初華亭小記增珍重不數虞山舊漢書儀顧堂元槧白虎通跋每册有毛子晉宋蘭揮印汲古閣秘本書目爲潘稼堂開值議價不諧其書多爲商邱宋氏所得 持靜齋書目青綸館藏書目錄一卷 國朝宋筠撰 耿文明詩集有商邱宋筠蘭揮氏已丑進士太史圖書魚麥堂諸印 禹之鼎洗竹圖宋榮題詩有白馬客

裔印 天祿琳琅胡子知言宋榮藏本有緯蕭草堂印平津館鑒藏書籍記寫本雪溪詩有蘇松庵白文方印雪苑宋氏蘭揮藏書記朱文長印 士禮居藏書題跋記御埽編有宋筠蘭揮三晉提刑諸印 鐵琴銅劍樓書目叢桂毛詩集解宋蘭揮所藏每册有筠字圓印鐵圍山叢談卷首有宋氏蘭揮藏書善本朱記

紅豆新移選佛場葑田北去有書莊一廛負郭三分水四世傳經百歲堂

惠周惕元龍

子士奇仲孺

孫棟定字

鶴徵前錄惠周惕原名恕字元龍號研溪江南長洲人康熙辛未進士密雲知縣李富孫案研溪所居曰紅豆書屋在吳城東冷香溪之北吳郡東禪寺有紅豆樹相傳白鶴

禪師所種研溪移一枝植階前因自號紅豆主人 包世  
臣惠氏四世傳經圖跋惠氏後人世昭出其册示余第一  
代爲明經律和先生名有聲原名爾節號樸庵明季以諸  
生貢成均第二代爲其子元龍先生第三代爲大令次子  
學士仲孺先生士奇別號半農第四代卽徵君棟爲學士  
之子世所稱定宇先生也又號松厓世昭字槃卿爲仲孺  
先生之元孫 昌熾案潘星齋先生墨緣小錄惠士昭磐  
卿山水學椒畦顏所居曰冷香別館余題二絕云花竹蕭  
疏屋數間冷香溪畔白雲環看君潑墨淋漓處如見江南  
雨後山故園指點畫圖中家學爭推鄭小同最羨忘庵留  
妙筆一株紅豆倚東風磐卿之名一作世昭一作士昭而

君皆親見不誤當是其改名耳 錢大昕惠先生棟傳先  
生自幼篤志好學家多藏書日夜講誦雅愛典籍得一善  
本傾囊弗惜或借讀手抄校勘精審於古書之真僞瞭然  
若辨黑白 朱彝尊題惠周惕紅豆書莊圖一入畫圖看  
便好城居僻似沈尤村又云他日招邀葑田北一帆風飽  
似張弓 翁方綱題王文簡載書圖松厓昔侍研溪談秘  
笈師門一百三今日新城訪耆舊巾箱箸錄果誰堪自注  
惠定宇所錄王氏書目凡一百三種 持靜齋書目乾象  
變異錄一册有惠棟定宇紅豆山房所收善本諸印 惠  
氏百歲堂書目三卷見蘇州府志

犂牛駢角難爲爾委鬼茄花已忽諸想見東林諸老集三薰

三沐四香居

陳自舜小同

鄭梁陳堯山墓誌銘君諱自舜字同亮別號堯山父朝輔  
 明萬曆丙辰進士太僕寺少卿君始為秋水社繼為澹園  
 社其閒捧盤執耳皆極一時之選而當世之耳而目之者  
 多指雲在樓之公子為不可少蓋至是而人知太僕之有  
 子矣雲在樓者太僕所建以為游息之所也所蓄圖書玩  
 好頗富手口之澤亦多君一一珍藏每遇名流鑒賞輒求  
 題識君卒於康熙辛卯六月二十一日距生前明甲戌七  
 月十一日春七十有八子憲淇 全祖望七賢傳萬厯天  
 啓之交黨禍方熾吾鄉以沈文恭在揆席故多為所染陵  
 夷至於奄難士氣益喪致有列名爰書者顧喜其家子弟

多能出而雪父兄之恥陳御史朝輔有子自舜字小同甚  
 媿其父之所為不欲人稱為公子黎洲先生講學甬上小  
 同從之終日輯善經學兀兀不休黎洲座上或言天啓時  
 某官以某物贈奄即御史所為也小同為之數日不食喜  
 購書其儲藏為范氏天一閣之亞

一見奇書喜欲顛祊田不惜筮牛眠漸鴻姓字無人識但見  
 南樓草接天 馬思贊仲安

杭郡詩輯馬思贊字寒中號南樓海甯人有皆山堂詩注  
 云南樓為揚州推官麟翔子工詩績學諸子百家無不研  
 貫家有道古樓插架多宋元精槧旁及金石祕玩絹素真  
 蹟充牣其中不減倪氏清祕閣也 又馬翼贊字叔靜號

寒將海甯人雍正癸卯進士官山東觀城知縣有寶穎堂詩鈔 愛日精廬藏書志陸狀元通鑑某氏跋曰前年謁外舅陳宋齋先生談及海內藏書家先生言其故人馬寒中購書不遺餘力嘗過龍山查氏見案頭有宋槧陸狀元通鑑百計購之不可得後查氏謀葬其親所卜吉壤則馬氏田也寒中覘知之大喜曰書可得矣即詣查氏願效祔田之易凡十畝書券盡付焉抱書疾歸若惟恐其中悔也其篤好於此 吳壽暘集舊藏英石峯高二尺許馬寒中先生物也賦此紀之詩云南樓道古箋魚蠹仇池兼伴吟香工又云占鴻漸兮甯高飛樂磬石兮其來歸自注寒中先生筮易得漸之二爻因以衍齋爲號並有坐磐石小影

拜經樓藏書題跋記竹垞初白二先生尺牘凡六  
與寒中者十九寒中爲吾邑藏書家插架多人間未見  
故書中皆論典籍事或輾轉傳抄或多方購買於此想見  
前輩好學之勤嗜書之篤誠可慕也 又衍齋詩卷先子  
跋云予家去插花山僅一舍每登樓東望惟見寒煙衰草  
亂雲滿目慨望昔日之風流非特琴書圖籍散亡略盡卽  
道古樓之故址且不可蹤跡頗深生不同時之恨 又宋  
本文中子有海昌馬思贊印中安一號漁邨圖記 又樂  
城集插花山馬氏藏本首葉有玉音孝友著於家庭信誼  
隆於鄉黨朱文印卷內有古鹽官州馬思贊之印華山馬  
仲安藏善本印 又剡源集寒中跋題康熙庚辰識於紅

藥山房 持靜齋書目通典詳節元至元刊本有古鹽官  
州馬氏南樓書籍印又雪磯叢稿康熙丁亥馬素邨鈔本  
有古鹽官州馬素邨書畫印 昌熾案余所見殘本唐子  
西文集有衍齋葫蘆印又衍齋師友傳遺之物永以為好  
二朱記又有前身是羅浮頭陀一印是否出寒中不可攷  
又案竹垞跋新莽錢范文有云歲在丁亥觀於衍齋上舍  
小葫蘆山書屋集中屢稱吾宗衍齋又稱宗人寒中是寒  
中本姓朱桑海之間改易名氏而世無有知者矣

綏若安裘晏若杵攬環結佩君子居司城豈必為貧仕本讀  
司空城旦書 汪森晉賢 弟文柏季青

兩浙輶軒錄汪文柏字季青一字柯庭桐鄉人官北城兵

馬司正指揮有柯庭餘習古香樓吟藁 汪文桂字周士

一字鷗亭歲貢生官內閣中書有鷗亭漫稿六州噴飯集

汪森字晉賢一字碧巢官戶部郎中有小方壺吟稿

沈大成大理府知府汪君墓誌銘君祖文桂中書舍人叔

祖森戶部郎中自號碧巢者也藏書甲於浙西中書子四

其次繼燦歷官給事為後於碧巢君考也君諱上堉字綺

巖子孟錞仲鈔季鏗其造所生則彝銘也孫二人如藻如

洋 嘉興府志秀水汪孟錞字康古弟仲鈔字豐玉家故

饒至孟錞時漸落而先世裘杼樓萬卷之藏書故在孟錞

兄弟揆討其間乾隆庚午孟錞兄弟舉於鄉丙戌孟錞成

進士有厚石齋詩集仲鈔有桐石齋詩集孟錞子如藻字

念孫舉人值 四庫館開獻家藏書一百三十七種乙未  
成進士入翰林終山東糧道如洋字潤民爲仲鈔後乾隆  
庚子會試廷試皆第一授修撰年四十卒昌熾案孟錫爲  
晉賢曾孫 錢儀吉吉石汪先生墓表先生兄厚石桐石  
三石先後不祿先生畫傷心年餘謝世子如藩如瀾先生  
諱彝銘字寶吉吉石其別字 朱彝尊小方壺存稿序休  
甯汪晉賢氏徙居梧桐鄉營碧巢當吟窩築華及之堂以  
燕兄弟賓客建裘杼樓以藏典籍其曰小方壺者郡城東  
角里之書屋也晉賢仕爲桂林通判調太平遷知鄭州事  
未赴居母憂服除謁選不果銓歸 又汪司城詩序曩因  
周布衣青士友汪君晉賢既又識君哲昆周士令弟季青

季青方年少結交皆老蒼海內稱詩者相與訂攬環結佩  
之好 潘耒摘藻堂集序吳興多佳山水休陽汪子季青  
築別業讀書其中名其堂曰摘藻之堂 龍城札記韓詩  
外傳云君子之居也綏若安裘晏若覆杼桐鄉汪氏嘗取  
裘杼二字以名其樓然其實杼乃杼字之誤杼卽孟也漢  
書東方朔傳有安如覆孟語正與此同 拜經樓藏書題  
跋記隸釋桐鄉汪氏藏書有展視齋圖書卽休甯汪季青  
家藏書籍二印記極精美 又本草衍義汪季青家藏面  
葉題摘藻堂藏 又蘇詩補注桐鄉汪氏藏本面葉題初  
白翁原稿擁書樓收藏並有梧桐鄉汪氏擁書樓所藏圖  
記 甯宋樓藏書志玉山名勝集有休陽汪氏裘杼樓藏

書印

鹽官城畔螺浮宅月落烏啼喚奈何欲續清河書畫舫圖書  
松下已無多 涉園張氏 張培元江亭

吳騫涉園修禊記涉園在海鹽縣城南三里故給諫螺浮  
張先生所創志稱烏夜邨故址也亭池林木之勝甲於東  
南而主人醜舫雅好事歲甲寅暮春之初醜舫招同人修  
永和故事余為之記 韶宋樓藏書志聖宋文選吳騫跋  
曰鮑以文言海鹽張皜亭主政藏有影宋本甲寅秋偕陳  
君仲魚訪張子醜舫於涉園主人賢而好客示以祕藏諸  
籍獲觀是書真生平大快也 兩浙輞軒錄張柯字晉樵  
一字東谷海鹽人官杭州府訓導著撻雲樓詩稿江家穀

曰張氏為浙西望族其先螺浮先生以給諫起家城南烏  
夜邨有涉園其別業也學博與朱笠亭陸太沖輩日坐嘯  
其中圖書彝鼎望而知為故家物 又張宗松字青在一  
字楚良又字蠖廬海鹽人著寒坪詩鈔楊秉初曰君性耽  
吟詠家富藏書鑒別最精 昌熾案順德梁伯鸞藏呂无  
黨手抄本後村集有古鹽張氏及宗櫛詠川朱記宗櫛嘗  
為青在之昆弟行 楹書隅錄宋本源流至論有涉園主  
人鑑藏古鹽張氏小白珍藏古鹽涉園張氏守白齋珍藏  
書畫之章各印 鐵琴銅劍樓書目李文饒集古鹽張氏  
藏書有張載華印芷齋圖籍二朱記 持靜齋書目山谷  
刀筆有張載華芷齋圖籍古鹽張氏松下圖書朱記又樂

靜集有海鹽張氏研古樓藏書及芷齋圖籍二朱記 又  
拾園張氏書目四冊不著書籍原委但列第幾架第幾層  
某函某書而已 昌熾案張氏藏書見於諸家著錄者甚  
眾其世系多不詳類記於此又案詔宋目陸宣公集亦有  
張載華佩蒹諸印杭郡詩輯有顧悅履飲涉園贈別張葭  
士詩佩蒹葭士疑皆爲芷齋之號嘉興府志平湖張培元  
字江亭監生好書購宋元本積千卷持靜齋書目金陀粹  
編卷首有張培源江亭氏諸印即其人也惟元作源爲異  
彼岸還須一葦航蓬壺宛在水中央靈文開篋驚烏有天遣  
風雷下取將 杭州張氏

居易錄杭州孝廉高式青說其鄉張氏藏書甚富造樓水

中皮置甲乙悉有次第以小舟通之晡後卽禁往來一日  
忽有煙氣出樓窗大驚往視之則門扃如故比登樓煙亦  
不見如是者三最爲細檢視煙自書厨中出開厨則凡天  
文奇遁之書悉爲燼惟空函在焉餘書無恙

小詩愛展納涼圖銷暑橋頭過酒壺西雅還疑承雅誤南鄰

儻許結鄰無 陳昂書厓

嘉興府志陳昂字書厓官同知家梅里與朱彝尊父子居  
鄰並曝書亭集有同登澱山寺謁秦女祠分韻詩箇漁小  
稿有題其納涼圖一詩 箇漁小稿題陳書厓納涼圖杜  
甫南鄰也姓朱柴門月夜每招呼新來歸作詩人畔消暑  
橋邊過酒壺 拜經樓藏書題跋記歛堂集古錄先君子



云世傳刊本首叙卽闕文二百四十餘言而筆畫之訛舛  
尤不勝計昨歲陳仲魚得舊本迺新安陳書厓昂所抄首  
一序旣全而字畫精好與刊本有毫釐千里之殊 又道  
園學古錄有陳氏家藏書崖珍祕陳書崖讀書記諸圖記  
天祿琳琅前編明刻三禮考注有湧石山房練江陳昂  
之印東阜先生後人天都陳氏承雅堂圖籍陳氏藏書子  
孫永保諸朱記續編元本冷齋夜話亦有陳書厓讀書記  
諸印 酌宋樓藏書志鐵崖樂府有天都陳氏西雅樓圖  
籍朱文方印東阜先生後人白文方印

連屋書囊當畫韞碧雲窗外繞疏檐平生燕越皆桑梓此意

堯翁未解拈

胡介祖循齋

